

四庫全書

集部

欽定四庫全書

集部  
御定佩文齋詠物詩選卷三  
五十五  
五十六

詳校官侍郎<sub>臣</sub>李封

主事銜<sub>臣</sub>徐以坤覆勘

總校官檢討<sub>臣</sub>何思鈞

校對官典簿<sub>臣</sub>郭祚熾

謄錄監生<sub>臣</sub>劉能

欽定四庫全書

御定佩文齋詠物詩選卷五百三十九

瑞香花類

五言古

次韻曹子方龍山真覺院瑞香花

宋蘇軾

幽香結淺紫來自孤雲岑骨香不自知色淺意殊深移  
栽青蓮宇遂冠蒼苔林紉為楚臣佩散落天女襟君持

風霜節耳冷歌笑音一逢蘭蕙質稍回鐵石心置酒要  
妍暖養花須晏陰及此陰晴間恐致慳嗇霖綵雲知易  
散鷓鴣憂先吟明朝便陳迹試著丹青臨

次韻錢倅諸公瑞香花

宋陳造

鈎窗翫孤芳殘月衣上明紫囊坼蘭麝小風弄初晴

長短句

瑞香花詩

明宣宗

瑞香花葉如織其葉非一狀花開亦殊色或如瑪瑙之

殷紅或如玉雪之姿容或含淺絳或深紫細蕤疊萼芬  
玲瓏臘後春前花未放先春獨占梅花上繞枝芳意露  
氈毳萬卉千葩總相讓瞳矐旭日照階墀淡蕩香風拂  
面時初疑沈檀蕪寶鼎亦似蘭麝熏人衣瑞香花樹高  
三尺強山杏野桃動踰丈得似幽叢約馥香

五言律

瑞香花

宋楊萬里

外著朝霞綺中裁淡玉紗森森千萬筍旋旋兩三花小

霽迎風喜輕寒索幙遮香中真上瑞蘭麝敢名家

其二

短短熏籠小團團錦帕圍浮陽烘酒思沈水著人衣  
茉莉通家遠椒花具體微春愁渾瘦盡別有瘦中肥

七言律

次韻楊廷秀待制瑞香花

宋周必大

灞橋忍凍兩相攢漢殿含香別一般粉面故宜垂紫袖  
錦裳何必著中禪禁遶侍史今同宿官帽花枝故自纒

咀嚼新詩懷舊直刺貪寧不媿河檀

瑞香花

宋楊萬里

侵雪開花雪不侵開時色淺未開深碧團圞裏筍成束  
紫蓓蕾中香滿襟別派近傳廬阜頂孤芳元自洞庭心  
詩人自有熏籠錦不用衣篝炷水沈

瑞香花

宋朱淑真

玲瓏巧蹙紫羅裳合得東君著意妝帶露破開宜曉日  
臨風微困怯春霜發揮名字來廬阜彈壓芳菲入醉鄉

寢是午窗初睡醒重重贏得夢魂香

五言絕句

瑞香花

宋王十朋

真是花中瑞本朝名始聞江南一夢後天下仰清芬

七言絕句

瑞香花

宋楊萬里

織錦天孫矮作機紫茸翻了白花枝更將沈水濃熏却  
日淡風微欲午時

瑞香花

宋闕名

廬阜當年春睡濃  
花名從此擅春工  
紫葩四迸呈鮮粉  
如熟仙香透錦籠

其二

拏花簇粉烘晴日  
藹有濃香透遠風  
六曲闌干凝睇處  
錦籠真似玉為籠

瑞香花

元楊維禎

一團華蓋翠亭亭  
萬箇丁香露欲零  
日炙錦熏眠不得

玉人扶起酒初醒

御定佩文齋詠物詩選卷三百三十九

欽定四庫全書

御定佩文齋詠物詩選卷三百四十

木芙蓉類

五言古

芙蓉亭

唐  
柳宗元

新亭俯朱檻嘉木開芙蓉清香晨風遠緝彩寒露濃瀟  
灑出人世低昂多異容嘗聞色空喻造物誰為工留連  
秋月晏迢遞來山鐘

湘岸移木芙蓉植龍興精舍

柳宗元

有美不自蔽，安能守孤根。  
盈盈湘西岸，秋至風露繁。  
麗影別寒水，穠芳委前軒。  
芰荷諒難雜，反此生高原。

芙蓉

元朱德潤

夾城遺芳栽，搖落及千年。  
芙蓉發靚妝，絕豔秋江邊。  
臨風拂羅幃，紅裳擁三千。  
素抱拒霜質，亭亭赤城仙。  
曾攜一枝去，生綃記餘妍。

五言律

木芙蓉

唐韓愈

新開寒露叢遠比水間紅豔色寧相妬嘉名偶自同採  
江官渡晚寒木古祠空願得勤來看無令便逐風

芙蓉

明申時行

羣芳搖落後秋色在林塘豔態偏臨水幽姿獨拒霜漢  
臯霞作佩湘曲錦為裳白首滄江上相看醉夕陽

七言律

木芙蓉

唐劉蕪

素靈失律詐風流強把芳菲半載偷是葉歲蕤霜照夜  
此花爛熳火燒秋謝蓮色淡爭堪種陶菊香濃亦合羞  
誰道金風能肅物因何厚薄不相侔

題殷舍人宅木芙蓉

宋徐鉉

憐君庭下木芙蓉嫋嫋纖枝淡淡紅曉吐芳心零宿露  
晚搖嬌影媚清風似含情態愁秋雨暗減馨香借菊叢  
默飲數杯應未稱不知歌管與誰同

次韻寄題芙蓉館

宋朱子

不須艇子棹歌來且看芙蓉面面開  
卷裏有詩都錦繡  
席間無地可塵埃  
風清月白琴三弄  
綠暗紅深酒一杯  
明日仲宣樓上去  
越吟應是首頻回

拒霜花

宋楊萬里

木蕖何似水芙蓉  
同箇聲名各自都  
風露商量借膏沐  
胭脂深淺入肌膚  
喚回春色秋光裏  
饒得紅妝翠蓋無  
字曰拒霜渾不惡  
却愁霜重要人扶

木芙蓉

宋方岳

綠裳紅臉水仙容不謂佳名偶自同一朶方酣初日色  
千枝應發去年叢莫驚墜落添新紫更待微霜暈淺紅  
却笑牡丹猶淺俗但將濃豔醉春風

紅芙蓉

元蒲道源

豐肌弱骨與秋宜宿酒酣來不自持豈為嚴霜成槁質  
要憑初日發妍姿燕姬入畫猶嫌陋蜀錦團窠未足奇  
獨對芳叢寄幽興子高真是遇仙時

轉觀芙蓉

蒲道源

露涼風冷見溫柔誰挽春還九月秋午醉未醒全帶豔  
晨妝初罷尚含羞未甘白紵居寒素也著緋衣入品流  
若信牡丹南面貴此花應合是封侯

次韻薩天錫臺郎賦三益堂芙蓉

元僧大訢

花間未覺早霜殘留伴仙人酒半闌翡翠巢空秋浦淨  
落霞飛盡暮江寒玉真對月啼雙頰楚袖迎風舞七盤  
持向毘耶聽說法老翁原作色空看

五言絕句

辛夷塢

唐王維

木末芙蓉花山中發紅萼澗戶寂無人紛紛開且落

木芙蓉

宋朱子

紅芳曉露濃綠樹秋風冷共喜巧回春不妨閒弄影

拒霜

宋楊萬里

染露金風裏宜霜玉水濱莫嫌開最晚元自不爭春

芙蓉

明蔣忠

清露下林塘波光淨如洗中有弄珠人盈盈隔秋水

七言絕句

木芙蓉花下招客飲

唐白居易

晚涼思飲兩三杯  
召得江頭酒客來  
莫怕秋無伴  
醉物水蓮開盡木蓮開

芙蓉

唐高蟾

天上碧桃和露種日邊  
紅杏倚雲栽芙蓉生在秋江上  
不向東風怨未開

木芙蓉

唐黃滔

黃鳥啼烟二月朝  
若教開即牡丹饒  
天嫌青帝恩光盛  
留與秋風雪寂寥

其二

却假青腰女剪成  
綠羅囊綻彩霞呈  
誰憐不及黃花菊  
只遇陶潛便得名

芙蓉

宋歐陽修

種處雪消春始凍  
開時霜落雁初過  
誰栽金菊叢相近

織出新番蜀錦窠

和陳述古拒霜花

宋蘇軾

千林掃作一番黃，只有芙蓉獨自芳。  
喚作拒霜知未稱，細思却是最宜霜。

拒霜

宋劉理

翠幄臨流結絳囊，多情常伴菊花芳。  
誰憐冷落清秋後，能把柔姿獨拒霜。

芙蓉

宋劉克莊

湖上秋風起棹歌萬株映柳更依荷  
老來不作繁華夢  
一樹池邊已覺多

其二

池上秋開一兩叢未妨冷淡伴詩翁  
而今縱有看花意  
不愛深紅愛淺紅

維揚花園

宋 宋伯仁

紅柳營基瑣綠苔萬花新種小亭臺  
芙蓉喜見江南客  
故向西風一夜開

錢舜舉折枝芙蓉

元虞集

白髮多情憶劔南  
秋風谿上看春酣  
剪來一尺吳江水  
儼比千花濯錦潭

木芙蓉

虞集

九月襄王宴渚宮  
霓旌翠羽度雲中  
滿汀山雨衣裳濕  
宋玉愁多賦未工

題倪元鎮畫

元陳基

西池亭館帶芙蓉  
雲水蒼茫一萬重  
此日畫圖看不足

滿簾秋雨夢吳淞

題畫

明  
吳孺子

玉露凌寒萬壑空  
洞庭秋水醉芙蓉  
小舟不放尋詩夢  
撐入邨南卧晚風

御定佩文齋詠物詩選卷三百四十

欽定四庫全書

御定佩文齋詠物詩選卷三百四十一

茉莉花類

七言古

次韻胡元甫茉莉花

宋樓 鑰

殘暑未盡秋欲來  
玉刻萬葉瓊英開  
孤標雅韻一枝足  
江上紫翠空成堆  
素娥常與明月約  
青女細把輕綃裁  
主人好事趁時買  
買實此地真宜哉  
牆間閒地方丈所

幾年累覺裝層臺春花秋卉方互發蜀葵芍藥參徘徊  
眼明忽見此竒絕弟畜素馨兄事梅夜深飛香性幽獨  
未許蜂蝶來相陪糖甃封餘有閩玉會須掃取添花栽  
吾聞閩山千萬木人或視此齋蒿菜何如航海上天闕  
玉色照暎琉璃杯新涼徙倚看不足坐見日影歌庭槐

茉莉

宋楊萬里

江梅去去木樨晚芝草石榴刺人眼唯有茉莉幽更佳  
龍涎避香雪避花朝來無熱夜涼甚急走山僮問花信

一枝帶雨折來歸  
走送詩人覓好詩

五言律

茉莉

宋劉子翬

翠葉光如沃冰葩淡不妝  
一番秋早秀徹日坐傍香色  
照祇園淨清回瘴海涼倘堪  
紉作佩老子欲浮湘

茉莉

宋朱子

曠然塵慮盡為對夕花明  
密葉低層幄冰蕤亂玉英  
不因秋露濕詎識此香清  
預恐芳菲盡微吟繞砌行

奉酬圭父茉莉之作

朱子

玉蘂琅玕樹天香知見薰露寒清透骨風定遠含芬爽  
致消煩暑高情謝曉雲遙憐河朔飲那得醉時聞

五言絕句

題茉莉

明 皇甫汈

萼密聊承葉藤輕易繞枝素華堪飾鬢爭趁晚妝時

其二

香慣臨風細花偏映日生若將人試擬小玉定齊名

七言絕句

茉莉

宋葉廷珪

露華洗出通身白  
沈水薰成換骨香  
近說根苗移上苑  
休慙系出本南荒

宮詞

明朱有燾

屏掩春山夜漸長  
秋來處處有新涼  
一天明月星河淡  
滿殿風吹茉莉香

茉莉

明趙福元

刻玉雕瓊作小葩清安原不受鉛華西風偷得餘香去  
分與秋城無限花

宮詞

明仲春龍

海子周遭長荻芽春深乘艦不乘車阿誰貪看游魚戲  
拋却新簪茉莉花

茉莉詞

明王穉登

贛州船子兩頭尖茉莉初來價便添公子豪華錢不惜  
買花只揀樹齋簷

其二

賣花僮父笑吳兒一本千錢亦太癡  
儂在廣州城裏住  
家家茉莉盡編籬

其三

章江茉莉貢江蘭夾竹桃花不耐寒  
三種盡非吳地產  
一年一度買來看

茉莉花

明沈宜修

如許閒宵似廣寒翠叢倒影浸冰團  
梅花宜冷君宜熱

一樣香魂兩樣看

御定佩文齋詠物詩選卷三百四十一

欽定四庫全書

御定佩文齋詠物詩選卷三百四十二

夾竹桃花類

五言古

弋陽縣學北堂見夾竹桃花有感而書

宋李覲

暖碧覆晴殷依依近朱欄異類偶相合勁節何能安同  
時盡妖豔無地容檀欒移根既不可潔心誠為難外貌

任春色中心期歲寒正聲尚可聽誰是伶倫官

五言律

夾竹桃花

明 王世懋

名花踰嶺至婀娜自成陰不分芳春色猶餘晚歲心  
絳分疎翠小青入嫩紅深本識仙源種無妨共入林

其二

何來武陵色移植向深閨葉不迎秋墮花仍入夏齊菲  
菲能拂石冉冉更成蹊尚挾風霜氣流鶯未敢棲

御定風文齋詠物詩選

御定風文齋詠物詩選

御定佩文齋詠物詩選卷三百四十二

欽定四庫全書

御定佩文齋詠物詩選卷三百四十三

薔薇花類

五言古

詠薔薇

齊謝朓

低枝詎勝葉輕香幸自通發萼初攢紫餘采尚霏紅  
新花對白日故藥遂行風參差不俱曜誰肯盼微叢

詠薔薇

梁簡文帝

燕來枝益軟風飄花轉光  
氤氳不肯去還來階上香

詠薔薇

梁柳 憚

當戶種薔薇枝葉太葳蕤  
不搖香已亂無風花自飛  
春閨不能靜開匣理明妃  
曲池浮采采斜岸列依依  
或聞好音度時見銜泥歸  
且對清醑湛其餘任是非

看美人摘薔薇

梁劉 緩

新花臨曲池佳麗復相隨  
鮮紅同暎水輕香共逐吹  
繞架尋多處窺叢見好枝  
矜新猶恨少將故復嫌  
萎釵邊

爛熳插何處不相宜

詠薔薇

梁鮑泉

經植宜春館  
霍靡上蘭宮  
片舒猶帶紫  
半卷未全紅  
葉疎難蔽日  
花密易傷風  
佳麗新妝罷  
含笑折芳叢

邀人賞薔薇

唐孟郊

蜀色庶可比  
楚叢亦應無  
醉紅不自力  
狂豔如索扶  
麗藥惜未掃  
宛枝長更紆  
何人是花侯  
詩老強相呼

薔薇洞

明顧璘

百丈薔薇枝繚繞成洞房密葉翠帷重穠花紅錦張對  
著玉局碁遣此朱夏長香雲落衣袂一月留餘芳

七言古

薔薇篇

唐儲光義

裊裊長數尋青青不作林一莖獨秀當庭心數枝分作  
滿庭陰春日遲遲欲將半庭影離離正堪翫枝上嬌鶯  
不畏人葉底飛蛾自相亂秦家女兒愛芳菲畫者相伴  
採葳蕤高處紅鬚欲就手低邊綠刺已牽衣蒲桃架上

朝光滿楊柳園中暝鳥飛連袂踏歌從此去風吹香氣  
逐人歸

和薔薇花歌

唐孟郊

仙機軋軋織鳳皇花開七十有二行天霞落地攢紅光  
風枝嫋嫋時一颺飛散葩馥繞空王忽驚錦浪洗新色  
又似宮娥逞妝飾終當一使移花根還比蒲桃天上植

五言律

題薔薇花

唐朱慶餘

四面垂條密浮雲入夏清  
綠攢傷手刺紅墮斷腸  
英粉著蜂鬚膩光凝蝶翅  
明雨中看亦好况復值初晴

紅薇

唐李咸用

春雨有五色灑來花旋成  
欲留池上景別染草中英  
畫出看還欠道為插未輕  
王孫多好事携酒寄吟傾

僧院薔薇

李咸用

客引擎茶看離披  
曝錦紅不緣開淨域  
爭忍負春風小片當吟  
落清香入定空何人來  
此植應固惱休公

五言排律

薔薇花聯句

裴白  
劉

唐張籍

似錦如霞色連春接夏開

禹錫

波紅分影入風好帶香來

度得地依東閣當階奉上台

行式

淺深皆有態次第暗相

催禹錫滿地愁英落緣堤惜棹回

度

芳濃濡雨露明麗隔

塵埃行式似著胭脂染如經巧婦裁

居易

奈花無別計只有

酒殘杯籍

裴常侍以題薔薇架十八韻見示因廣為三十

韻以和之

唐白居易

託質依高架攢華對小堂  
晚開春去後獨秀院中央  
霽景朱明早芳時白晝長  
穠因天與色麗共日爭光  
剪碧排千萼研朱染萬房  
烟條塗石綠粉藥撲雌黃  
根動彤雲涌枝搖赤羽翔  
九微燈炫轉七寶帳熒煌  
淑氣熏行徑清陰接步廊  
照梁迷藻枕耀壁變雕牆  
爛若藜然火殷於葉得霜  
臙脂含笑臉蘇合裛衣香  
泱洽濡晨露玲瓏漏夕陽  
合羅排勘纈醉暈淺深妝  
乍見疑迴面遙看

誤斷腸風朝舞飛燕雨夜泣蕭娘桃李慙無語芝蘭讓  
不芳山榴何細碎石竹苦尋常蕙慘偎欄避蓮羞映浦  
藏怯教蕉葉戰妬得柳花狂豈可輕嘲詠應須痛比方  
畫屏風自展繡繖葢誰張翠錦挑成字丹砂印著行程  
猩凝血點瑟瑟魔金匡散亂菱紅片尖纖嫩紫芒觸僧  
飄毳褐留妓冒羅裳寡和陽春曲多情騎省郎緣誇美  
顏色引出好文章東顧辭仁里西歸入帝鄉假如君愛  
煞留著莫移將

寒食日沙縣雨中看薔薇

唐韓偓

何處遇薔薇殊鄉冷節時雨聲籠錦帳風勢偃羅帷通  
體全無力醜顏不自持綠疎微露刺紅密欲藏枝愜意  
憑欄久貪吟放盞遲旁人應見訝自醉自題詩

依韻和令公大王薔薇詩

宋徐鉉

綠樹成陰後羣芳稍歇時誰將新濯錦挂向最長枝卷  
箔香先入凭欄影任移賞頻嫌酒渴吟苦怕霜髭架迴  
籠雲幄庭虛展繡帷有情縈舞袖無力冒游絲嫩藥鶯

偷采柔條柳伴垂荀池波自照梁苑客嘗窺玉李尋皆  
謝金桃亦暗衰花中應獨貴庭下故開遲委豔妝苔砌  
分華借槿籬低昂勻灼爍濃淡疊參差幸植王宮裏仍  
逢宰府知芳心向誰許醉態不能支芍藥天教避玫瑰  
衆共嗤光明烘晝景潤膩衰輕靨麗似期神女珍如重  
衛姬君王偏屬詠士子盡搜奇

七言律

城上薔薇

唐李紳

薔薇繁豔滿城陰  
爛熳開紅次第深  
新藥度香翻宿蝶  
密房飄影戲晨禽  
竇閨織婦慚詩句  
南國佳人怨錦衾  
風月寂寥思往事  
暮春空賦白頭吟

薔薇正開春酒初熟  
因招劉十九張大夫崔二

十四同飲

唐白居易

甕頭竹葉經春熟  
階底薔薇入夏開  
似火淺深紅壓架  
如錫氣味綠粘臺  
試將詩句相招去  
倘有風情或可來  
明日早花應更好  
心期同醉卯時杯

朱秀才庭際薔薇

唐方干

繡難相似畫難真  
明媚鮮妍絕比倫  
露壓盤條方到地  
風吹豔色欲燒春  
斷霞轉影侵西壁  
濃麝分香入四鄰  
看取後時歸故里  
庭花應讓錦衣新

和薔薇次韻

唐皮日休

誰繡連延滿戶陳  
暫應遮得陸郎貧  
紅芳掩斂將迷蝶  
翠蔓飄飄欲挂人  
低拂地時如墮馬  
高臨牆處似窺鄰  
祇應是董雙成戲  
剪得神霞寸寸新

李太舍池上翫紅薇醉題

唐韓偓

花低池小水泚泚花落池心片片輕  
酩酊不能羞白鬢  
顛狂猶自矚紅英  
乍為旅客顏常厚  
每見同人眼暫明  
京洛林園歸未得天涯相顧一含情

薔薇

唐李建勳

萬葉爭開照檻光  
詩家何物可相方  
錦江風撼雲霞碎  
仙子衣飄黼黻香  
裊露早英濃  
壓架背人狂蔓暗穿牆  
綵牋蠻榼旬休日  
欲召親賓看一場

李少卿宅薔薇

明王章

柔香弱蔓不勝寒  
十二圍屏錦繡攢  
秦殿曉妝俱窈窕  
習家春事未闌珊  
憐將清奏愁中聽  
競折高枝醉後看  
好待詩成酬勝賞  
東風休遣露華乾

五言絕句

薔薇下

明魯鐸

獨酌薔薇下  
花陰亂午風  
有時殘露滴  
剛著酒杯中

七言絕句

戲題盧秘書新移薔薇

唐白居易

風動翠條腰  
嫋娜露垂紅  
萼淚闌干  
移他到此須為主  
不愛花人莫使看

薔薇花

唐張祜

曉風抹盡胭脂  
顯夜雨催成蜀錦  
機當晝開時  
正明媚  
故鄉疑是買臣歸

薔薇花

唐杜牧

朵朵精神葉葉稠  
雨晴香拂醉人頭  
石家錦障依然在

閒倚狂風夜未收

重題薔薇

唐皮日休

濃似猩猩初染素  
輕於燕燕欲凌空  
可憐細麗難勝日  
照得深紅作淺紅

紅薔薇

唐牛嶠

曉啼珠露渾無力  
繡簇羅襦不著行  
若綴壽陽公主額  
六宮爭肯學梅妝

薔薇

唐徐黃

朝露灑時如濯錦  
晚風飄處似遺鈿  
重門剩著黃金鑠  
莫被飛瓊摘上天

紅薔薇花

唐僧齊已

晴日當樓曉香歇  
錦帶盤空欲成結  
鶯聲漸老柳飛時  
狂風吹盡猩猩血

閒遊

宋陸游

好事湖邊賣酒家  
杖頭錢盡慣曾賒  
爐邊爛醉眠經日  
開過紅薇一架花

湖城簿廳

金吳激

日遲風暖燕飛飛  
古柳高槐面翠微  
卷上踈簾無一事  
滿池春水照薔薇

草萍驛和薩天錫

元盧琦

林外輕風帽影斜  
客衣近染紫山霞  
等閒點檢春多少  
墻角薔薇幾樹花

御定佩文齋詠物詩選卷三百四十三

欽定四庫全書

御定佩文齋詠物詩選卷三百四十四

月季花類

五言古

月季花

宋 宋 祁

羣花各分榮此花貫時序聊披淺深豔不易冬春慮真  
寄竟何言予將造形悟

次韻子由月季花再生

宋 蘇 軾

幽芳本長春暫瘁如蝕月且當付造物未易料枯枿也  
知宿根深便作紫筍茁乘時出婉婉為我暖栗烈先生  
早貴重廟論推英拔而今城東瓜不記召南茨陋居有  
遠寄小圃無闊躡還為久處計坐待行年匝臘果綴梅  
枝春杯浮竹葉誰言一萌動已覺萬木活聊將玉蘂新  
插向綸巾折

五言律

月季花

明劉繪

綠刺含烟鬱紅苞逐月開  
朝華抽曲沼夕藥壓芳臺  
能鬪霜前菊還迎雪裏梅  
蹋歌春岸上幾度醉金杯

七言律

月季花翠雀

明申時行

竒葩競吐漢宮春日日含香送紫宸  
千葉能隨莫英茂四時常應桂輪新  
乍疑勝裏金花巧却訝枝間翠鳳馴  
願以長春歌聖壽還將解網頌皇仁

七言絕句

月季花

宋韓琦

牡丹殊絕委春風  
露菊蕭疎怨晚叢  
何似此花榮豔足  
四時長放淺深紅

月季花

明張新

一番花信一番新  
半屬東風半屬塵  
惟有此花開不厭  
一年長占四時春

御定佩文齋詠物詩選卷三百四十四

欽定四庫全書

御定佩文齋詠物詩選卷三百四十五

刺桐花類

七言絕句

小雪日戲題

唐張登

甲子徒推小雪天  
刺桐猶綠槿花然  
陽和長養無時歇  
却是炎洲雨露偏

泉州刺桐花詠兼呈趙使君  
唐陳陶

海曲春深滿郡霞  
越人多種刺桐花  
可憐虎竹西樓色  
錦帳三千阿母家

其二

猗猗小豔夾道衢  
晴日薰風笑越姝  
只是紅芳移不得  
刺桐屏障滿中都

其三

赤帝嘗聞海上遊  
三千幢蓋擁炎洲  
今來樹似離宮色  
紅翠歌斜十二樓

其四

髣髴三株植世間  
風光滿地赤城閒  
無因秉燭看奇樹  
長伴劉公醉玉山

永春路

宋徐璣

路行僻處山山好  
春到晴時物物嘉  
秀色連雲原上麥  
清香夾道刺桐花

舟行青谿道中入歙

元方回

刺桐花發草如藍  
欲卸綿袍剪紵衫  
一夜春霜忽如雪

江南天氣不宜蠶

書武陽驛

明汪應軫

小驛春深屋半斜  
東風開到刺桐花  
夜來有夢難分別  
半是長安半是家

送金員外歸泉南

明僧來復

朱樓別起擁飛霞  
浮石橋邊久住家  
海日浴紅春雨霽  
鷓鴣啼上刺桐花

西湖雜詩

僧來復

芙蓉灣口綠陰斜吹笛何人隔彩霞  
驚起沙頭雙翠羽  
銜魚飛上刺桐花

御定佩文齋詠物詩選卷三百四十五

欽定四庫全書

御定佩文齋詠物詩選卷三百四十六

酴醾花類

五言古

杜沂遊武昌以酴醾花見餉 宋蘇軾

酴醾不爭春寂寞開最晚青蛟走玉骨羽蓋蒙珠憶不  
粧艷已絕無風香自遠當時吳宮闕紅粉埋故苑至今  
微月夜笙簫來翠巘餘妍入此花千載尚清婉怪君呼

不歸定為花所挽  
昨宵雷雨惡  
花盡君應返

醑醑架

元貢奎

西園檢春事積雨斷餘紅  
醑醑壓高架皎皎晚日烘翠  
蔓點殘雪清香度微風  
幽人對之坐瑩然此心同徘徊  
不忍去片月來高空  
宛如萬玉娥素袖舞雲中  
珠璣露顆綴翠珮  
煙光籠愛花不受折  
枝柔刺盈叢携酒醉其  
下慰此良夜終

刺藤

明吳寬

餘醪有數種同名而異字花開欲折難銛鈎如棘刺白  
者榦獨長紅者香更膩種之小徑傍所恨冒衣袂挿竹  
如編縛步障差可類石家金谷園恐乏此佳致

七言古

失題

宋 盧元贊

初疑廣寒修月手釀此欲作長春酒又疑青女未歸家  
搏香弄粉為此花要知風韻太超絕清影亭亭半遮月  
微風不動香更繁沈水未灰金博山我來已落春去後

尚覺有香棲鼻端  
年年欲占餘春住  
早開却被媽紅妬  
從今着意問春工  
借與姮娥奔月路

和羅武岡酴醾長句

宋楊萬里

花飛十不啻五六  
青子團枝失紅簇  
江南桃李總成陰  
不論少城與韋曲  
酴醾珍重不浪開  
晚堆綠雲點冰玉  
體熏山麝非一臍  
水洗銀河費千斛  
滴成小倍密於糝  
亂走長條柔可束  
醉眸湏及月下來  
破鼻試從風處觸  
先生未必被花惱  
偶與門人莫春浴  
為憐歷架十萬枝

小立傍邊領新馥，刺擽好語寵瓊蕤。更掇清英釀醅醪。  
先生何得便杜門，霜鬢猶煩玉堂宿。

酴醿歌

元華幼武

丹葩醉染猩猩血，素萼便娟比霜雪。呈妖逞艷豈足貴，  
含芳嗜潔誇清絕。荼蘼飽浥春雨膏，玲瓏剪刻英瓊瑤。  
千金麝腦和淑質，萬箇玉蝶縈柔條。坐看明月花梢上，  
便應題作清虛榜。醉眠花底不須歸，狼籍苔茵空撫掌。  
先生愛花何太濃，對花一飲揮千鍾。昔逢端伯稱韻友，

我欲結好慚衰容莫教搖落西風後賈島留題傳不朽  
憐君為作茶蘼歌多情又釀茶蘼酒

五言律

茶蘼

宋 陳與義

雨過無桃李惟餘雪覆牆青天映妙質白日照繁香影  
動春微透花寒韻更長風流到樽酒猶得助詩狂

五言排律

次韻茶蘼

宋 黃庭堅

梅殘紅藥遲此物共春暉名字因壺酒風流付枕幃墜  
鈿香徑艸飄雪淨垣衣玉氣晴虹發沈材鋸屑霏直知  
多不厭可忍摘令稀常恨金沙學顰時正可揮

七言律

王主簿家醪醕

宋 黃庭堅

肌膚冰雪生沉水百艸千花莫比方露濕何郎試湯餅  
日烘荀令炷爐香風流徹骨成春酒夢寐宜人入枕囊  
輸與能詩王主簿瑤臺影裏據繩牀

餘曠

宋 劉子翬

顛風急雨退花晨  
翠葉銀苞照眼新  
高架攀緣雖得地  
長條盤屈總由人  
橫釵數朶開猶小  
撲酒餘香韻絕倫  
唯有金沙顏色好  
年年相伴殿殘春

餘曠

宋 楊萬里

以酒為名却謗他  
冰為肌骨月為家  
借令落盡仍香雪  
且道開時是底花  
白玉梢頭千點韻  
綠雲堆裏一枝斜  
休休莫斲西莊柳  
放上松梢分外嘉

醑醑

宋朱淑真

花神未許春歸去，故遣仙姿殿衆芳。  
白玉體輕蟾魄瑩，素紗囊薄麝臍香。  
夢回洛浦嬋娟影，閒記瑤臺淡淨粧。  
勾引詩人清絕處，一枝和雨在東牆。

醑醑

金劉仲伊

相看絕似好交友，著眼江梅季孟中。  
海窟笙簫來鶴背，月林冰雪繞春風。  
滿前玉蕊名尤重，特地梨花夢不同。  
安得涪翁香一瓣，種成聊供小南豐。

茶蘼花開有懷同賞

明 陳憲章

看花何處發孤吟  
牆角茶蘼又破金  
紫燭照人今日態  
香風吹夢隔年心  
多情酒伴來何晚  
得意遊蜂入每深  
病起南窓坐終日  
獨憐涓滴未成斟

五言絕句

茶蘼

宋 朱子

結榘護芳植  
覆牆擁深翠  
還當具春酒  
與客花下醉

七言絕句

酴醾

宋韓維

平生為愛此香濃，仰面常迎落絮風。  
每至春歸有遺恨，典型原在酒杯中。

酴醾花

韓維

細蓓繁英次第開，攀條盡日未能回。  
不如醉卧春風底，時使清香拂面來。

惜酴醾

韓維

天意再三珍雅艷，花中最後吐奇香。  
狂風莫掃殘英盡。

畱與佳人貯絳囊

絕句

宋 劉 攽

明紅暗紫競芳菲  
送盡東風不自知  
占得餘香慰愁眼  
百花無得似酴醾

茶蘼洞

宋 蘇 軾

長憶故山寒食夜  
野茶蘼發暗香來  
分無素手簪羅髻  
且折霜鞋浸玉醅

茶蘼

宋 張舜民

冰肥雪艷映殘春  
燠日熏風入四鄰  
任是主人能愛惜  
也揀一半與遊人

酴醾花

宋 黃庭堅

漢宮嬌額半塗黃  
肌骨濃熏篤耨香  
日色漸遲風力細  
倚闌催舞白霓裳

披仙閣上觀酴醾

宋 楊萬里

酴醾約我早來看  
及至來看花已殘  
動地寒風君莫怯  
亂吹香雪灑闌干

失題

宋 戴復古

東風滿架索春饒三月梁園雪未消  
賸馥何人炷蘭麝  
柔條無力帶瓊瑤

茶蘼

宋 方岳

山徑陰陰雨未乾春風已暖却成寒  
不綠天氣渾無準  
要護荼蘼繼牡丹

酴醾

金 元好問

枕幃餘韻最清真夢裏猶未著  
莫人擬借濃陰作羅幕

玉纓多處卧殘春

春深

元劉秉忠

新染薔薇一撲黃梨花亂舞白霓裳憑誰收拾春風去  
催發茶蘼滿架香

暮春寫懷

明  
銜炳

青梅煮酒蕨芽肥倦客懷家入夢思想得故園風景好  
一庭香雪落茶蘼

忽雨

明  
張宇初

飄風急雨燕初泥  
新竹成陰小閣西  
數卷殘書香篆息  
園花落盡到荼蘼

御定佩文齋詠物詩選卷三百四十六

欽定四庫全書

御定佩文齋詠物詩選卷三百四十七

凌霄花類

五言古

凌霄花

宋梅堯臣

草木不解行隨生自有理觀此引蔓柔必憑高樹起氣  
類固未合縈纏豈由已仰見蒼虬枝上發彤霞蕊層霄  
不易凌樵斧者誰子

凌霄花

宋曾肇

凌波體纖柔，枝葉工託麗。青青亂松樹，直幹遭蒙蔽。不  
有嚴霜威，焉能辨堅脆。

凌霄花

宋范浚

栽松待成陰，種漆擬作器。人皆笑艱拙，往往後得利。君  
看植凌霄，百尺蔓柔翠。新花鬱煌煌，照日吐妍媚。風霜  
忽搖落，大木亦彫瘁。視爾托根生，枯莖無殘蒂。先榮疾  
蕭瑟，物理固難恃。凌霄亟芳華，衰歇亦容易。

七言絕句

凌霄花

宋揚繪

直饒枝幹凌霄去，猶有根源與地平。  
不道花依他樹發，強攀紅日鬪鮮明。

為沈趣菴題畫

明偶桓

谿山深處野人居，小小簾櫳艸閣虛。  
灑面松風吹夢醒，凌霄花落半牀書。

御定佩文齋詠物詩選卷三百四十七

欽定四庫全書

御定佩文齋詠物詩選卷三百四十八

藤花類

五言古

詠藤

梁簡文帝

纖條寄喬木  
弱影掣風斜  
標春抽曉翠  
出霧挂懸花

駕檐藤

唐儲光羲

得從軒墀下  
如勝松柏林  
生枝逐架遠  
吐葉向門深  
何

許答君子檐間朝暝陰

石上藤

唐岑參

石上生孤藤弱蔓依石長不逢高枝引未得凌空上何處堪托身為君長萬丈

潭上紫藤

唐李德裕

故鄉春欲盡一歲芳難再巖樹已青蔥吾廬日堪愛幽蹊人未去芳艸行應礙遙憶紫藤垂繁陰照潭黛

掛樹藤

唐曹冠卿

本為獨立難寄彼高樹枝  
蔓行數條遠溟濛千朵垂  
向日助成陰當風藉持危  
誰言柔可屈坐見蟠蛟螭

垂澗藤

宋朱子

寒泉下碧澗古木垂蒼藤  
陰此萬里流閒花自層層  
何人賞幽致白髮巖中僧

菴畫谿

明馬愈

谿藤蕩微風谿水清見底  
照映青藤花搖搖不能已  
仙人紫綺裘嘯詠谿光裏  
慨彼塵俗心誰能此涓洗

朱藤

明吳寬

娟娟數尺藤往歲親手挿西菴  
敞短檐藉爾兩相夾歲久終  
蔓延枝葉已交接有花散紅  
纓有子垂皂莢赤日隔繁陰  
偃息可移榻但憂風雨甚高  
架一朝壓霜雪却不妨忍冬  
共經臘

七言古 附長短句

愛敬寺古藤歌

唐李頎

古藤池水盤樹根左攷右拏  
龍虎蹲橫空直上相凌突

丰茸離纒若無骨風雷霹靂連黑枝人言其下藏妖魘  
空庭落葉作開合十月苦寒常倒垂憶昨花飛滿空殿  
密葉吹香飯僧遍南階雙桐一百尺相與年年老霜霰

和題藤架

唐 獨孤及

萼萼葉成幄璀璨花落架花前離心苦愁至無日夜人  
去藤花千里強藤花無主為誰芳相思歷亂何由盡春  
日迢迢如線長

五言律

藤

唐李嶠

吐葉依松磴，舒苗長石臺。  
神農嘗藥罷，質子寄書來。  
色映葡萄架，花分竹葉杯。  
金堤不見識，玉潤幾重開。

五言排律

和友人許棠題宣平里古藤

唐張蠊

欲結千年茂，生來便近松。  
迸根通井潤，交葉覆庭穠。  
歷代頻更主，盤空漸變龍。  
畫風圓影亂，宵雨細聲重。  
蓋密勝丹桂，層危類遠峰。  
嫩條懸夜鼠，枯節叫秋蛩。  
翠老霜

難蝕皺多蘚乍封幾家遙共玩何寺不堪容容對忘離  
捐僧看誤過鐘頃因陪預作終夕遶枝節

七言律

紫藤花

明 王世貞

蒙茸一架自成林窈窕繁葩灼暮陰南國紅蕉將比貌  
西陵青柏結同心裁霞綴綺光相亂剪雨縈煙態轉深  
紫雪半庭長不掃閒拋簪組對清吟

藤

明 王士騏

手種藤花大可圍暮春小圃亦芳菲黃鸝隱葉惟聞轉  
紫蝶尋春不辨飛滿架迎風光眩眼綠谿著雨碧侵衣  
漫道破除情事盡長條柔蔓轉依依

五言絕句

紫藤樹

唐李白

紫藤挂雲木花蔓宜陽春密葉隱歌鳥香風留美人

古藤

唐錢起

引蔓出雲樹垂綸覆巢鶴幽人對酒時苔上閒花落

石上藤

唐顧況

空山無鳥跡何物如人意委曲結繩文離披艸書字

藤

明于若瀛

藤古結為梁蜿蜒憑雲霧步之時動搖疑駕彩虹度

七言絕句

送王永

唐劉商

綿衣似熱夾衣寒時景雖和春已闌誠知暫別那惆悵  
明日藤花獨自看

宿楊家

唐白居易

楊氏弟兄俱醉卧披衣獨起下高齋夜深不語中庭立  
月照藤花影下階

紫藤

唐許渾

綠蔓穠陰紫袖低客來留坐小堂西醉中掩瑟無人會  
家近江南卷畫谿

題畫

明沈周

臨水人家竹樹中只因孤嶼水船通常門細荇牽微浪

繞屋藤花落軟風

中甫過齋中烹茗清談試筆寫圖因題其上

明居節

落盡藤花磻水香  
松風如水晝初長  
幽人自是山中相  
鶴鬢黃冠坐夕陽

荆谿雜曲

明王叔承

女牆開徧白薔薇  
蘿葉藤花鳥亂飛  
耐可銅官復離墨  
滿城山色照人衣

和令則題畫

明 陳繼儒

山邨雨霽水痕加  
鴨背灘頭燕尾沙  
新結松棚試新茗  
好風無力掃藤花

御定佩文齋詠物詩選卷三百四十八

欽定四庫全書

御定佩文齋詠物詩選卷三百四十九

山丹花類

五言古

次韻子由所居

宋蘇軾

堂前種山丹，錯落馬腦盤。  
堂後種秋菊，碎金收辟寒。  
草木如有情，慰此芳歲闌。  
幽人正獨樂，不知行路難。

山丹

宋朱子

昔遊嶺海間，幾見蠻卉折。素英溥夕露，朱蕊爛晴日。歸來今幾年，晤對祇寒碧。因君賦山丹，悅復見顏色。

七言律

山丹花

宋楊萬里

春去無芳可得尋，山丹最晚出雲林。柿紅一色明羅袖，金粉羣蟲集寶簪。花似鹿葱還耐久，葉如芍藥不多深。青泥瓦斛移山藟，聊著書窗伴小吟。

御定佩文齋詠物詩選卷三百四十九

欽定四庫全書

御定佩文齋詠物詩選卷三百五十

素馨花類

七言絕句

素馨花

宋 陳傅良

羞將姿媚隨花譜  
愛伴孤高上月評  
獨恨遇寒成弱植  
色香殊不避梅兄

素馨花

明 楊慎

金碧佳人墮馬妝  
鷓鴣林裏鬪芬芳  
穿花貫縷盤香雪  
曾把風流惱陸郎

夜至紅橋所居

明林鴻

素馨花發暗香飄  
一朵斜簪近翠翘  
寶馬歸來新月上  
綠楊影裏倚紅橋

御定佩文齋詠物詩選卷三百五十

欽定四庫全書卷

御定佩文齋詠物詩選卷三百五十一

玉瓏鬆花類

七言律

荏平縣西門郵亭廢圃中有花名玉瓏玳枝葉  
與瓊花無異但花蕊層生與葉相間遠望如  
翠煙籠玉幽香撲人遂呼濁醪痛飲花下陳  
令取紙筆索詩乘醉走筆賦二律

明王蒙

誰司后土作花王  
忍置瑤華官道旁  
衣袂不經塵世染  
夢魂猶帶廣寒香  
孤蟾照破瓊林雪  
飛蝶栖殘珠樹霜  
天上人間惟有此  
好將欄檻護荒涼

其二

何年碧海會瑤仙  
雲製衣裳雪作鈿  
醉鎖素虬纏寶樹  
閒騎白鳳下瑤天  
鶴林寺廢空流水  
后土祠荒起暮煙  
慚愧郵亭一株雪  
春風猶得路人憐

七言絕句

遊天壇雜詩

金元好問

漫山白白與紅紅  
小樹低叢看不供  
總道植花香氣好

就中偏愛玉瓏鬆

原注花名  
有玉瓏鬆

御定佩文齋詠物詩選卷三百五十一

欽定四庫全書

御定佩文齋詠物詩選卷三百五十二

瓊花類

附 瑤花

琪花

長短句

賦得瓊花觀送人

明 劉溥

瓊花觀在江都雲窻月館仙人居無雙亭前一方地昔  
日瓊花今已無玉女香車遊碧落回首人間塵漠漠重  
攔空護八仙花飛佩誰乘九臯鶴古城楊柳接東橋十

里紅樓路不遙行舟過此一停泊琪樹陰中聽紫簫

七言律

約黃成之觀瓊花予不及從以詩代簡

宋方岳

杜宇聲中鬢欲華春風將綠又天涯  
欠隨江夏無雙士共看揚州第一花  
想像煙雲人跨鶴淋漓詩句字栖鴉  
褰驢不管唐衫濕醉兀歸鞍暮雨斜

五言絕句

揚州廣城店

明張以寧

潮落邗江夜先將夢到家揚州無賴月獨自照瓊花

七言絕句

小遊仙

唐曹唐

雲隴瓊花滿地香碧沙紅水遍朱堂外人欲壓長生籍  
拜請飛瓊報玉皇

后土廟瓊花詩

宋王禹偁

春冰薄薄壓枝柯分與清香是月娥忽似暑天深澗底

老松擎雪白娉娉

揚州后土祠瓊花

元 尹廷高

無雙亭下萬人看  
欲覓殘英一片難  
夜靜月明猿鶴唳  
誤翻玉雪墮闌干

續遊仙詩

明 馬洪

侍兒扶上紫鸞車  
一笑相逢萼綠華  
今夜蕪城好明月  
無雙亭上看瓊花

附 瑤花

七言古

瑤花

花白色而變  
殘紅而碧

元 郭 鈺

瑤臺仙子初相見，迴立天風飄雪練。  
東華夢破歸去遲，素衣總被緇塵染。  
芳心不委春蝶狂，水晶簾捲凝清香。  
胭脂洗紅留殘暈，海雲翦碧浮霓裳。  
揚州瓊花舊同譜，零落誰知到南土。  
聞君愛花最有情，亭臺五月清無暑。  
君不見花開今日多有酒，不飲君如何。

附琪花

五言古

琪樹下因吟六韻呈先達者

唐 劉 駕

舉世愛嘉樹此樹何人識  
清秋遠山意偶向亭際得  
奇柯交若鬪生葉密如織  
塵中尚青蔥更想塵外色  
所宜巢三鳥影入瑤池碧  
移根豈無時一問紫煙客

五言絕句

初移琪樹

唐 羊士諤

愛此丘中物煙霜盡日看  
無窮碧雲意更助綠窗寒

石橋琪樹

唐僧隱丘

山上天將近  
人間路漸遙  
誰當雲裏見  
知欲度仙橋

七言絕句

步虛詞

唐陳羽

樓殿層層阿母家  
崑崙山頂駐紅霞  
笙歌出見穆天子  
相引笑看琪樹花

御定佩文齋詠物詩選卷三百五十二

欽定四庫全書

御定佩文齋詠物詩選卷三百五十三

蘭花類

五言古

幽蘭

宋鮑照

簾委蘭蕙露帳含桃李風攬帶昔何道坐今芳節終

紫蘭始萌

梁武帝

種蘭玉臺下氣暖蘭始萌芬芳與時發婉轉迎節生獨

使金翠嬌偏動紅綺情二遊何足懷一顧非傾城羞將  
苓芝侶豈畏鷓鴣鳴

蘭

梁宣帝

折莖聊可佩入室自成芳  
開花不競節含秀委微霜

賦新題得蘭生野徑

陳張正見

披襟出蘭畹命酌動幽心  
鋤罷還開路歌喧自動琴  
華燈共影落芳杜雜花深  
莫言閒徑裏遂不斷黃金

猗蘭操

隋辛德源

奏事傳青閣，拂除乃陶嘉。散條凝露彩，含芳映日華。已  
知香若麝，無怨直如麻。不學芙蓉艸，空作眼中花。

蘭

唐王維

根移地，因偏花。老色未改意，蘇瘴霧餘氣。壓初寒，外婆  
娑靖節，窻髻鬢靈均佩。

古意

唐賀蘭進明

崇蘭生澗底，香氣滿幽林。采采欲為贈，何人是同心。日  
暮徒盈把，徘徊憂思深。慨然紉雜佩，重奏丘中琴。

贈友人

唐李 白

蘭生不當戶別是閒庭艸風被霜露欺紅紫已先老  
謬接瑤華枝結根君王池顧無馨香美叨沐清風吹餘芳  
若可佩卒歲常相隨

詠蘭

唐白居易

寓常本殊致意幽非我情吾常有疏淺外物無重輕各  
言藝幽深彼美香素莖豈為賞者說自保孤根生易地  
無赤株麗土亦同榮賞際林壑近汎餘煙露清余懷既

鬱陶爾類徒縱橫妍媸苟不信寵辱何為驚貞隱諒無  
迹激時猶棟名幽叢靄綠晚豈必懷歸耕

蘭

唐李德裕

楚客重蘭蓀遺芳今未歇葉抽清淺水花點暄妍節紫  
艷映渠鮮輕香含露潔

題楊次公春蘭

宋蘇軾

春蘭如美人不採羞自獻時聞風露香蓬艾深不見丹  
青寫真色欲補離騷傳對之如靈均冠佩不敢燕

秋蘭已悴以其根歸學古

宋朱子

秋至百艸晦寂寞寒露滋蘭畢一以悴蕪穢不能治端  
居念離索無以遺所思願言託孤根歲晏以為期

種蘭

宋薛季宣

蘭生林樾間清芬倍幽遠野人坐官曹茲意極不淺西  
窓蔽斜日松釵架春晚牆陰蔕花木憔悴根日損植此  
山國香坐與前事反扶疎可紉佩心緒端有本芽生僅  
盈壇高風傳九畹羣芳顏色好祇自誇園苑何如淡嚼

蠟艸并曾誰混對我靜無言忘形如并尊

刈蘭

薛季宣

東畹刈真香靜院簞瓶水高遠不勝情時逐微風起和  
雨剪閒庭誰作騷人語記得舊家山香來無覓處

盆蘭

元岑安卿

猗猗紫蘭花素秉巖穴趣移栽碧盆中似為香所誤吐  
舌終不言畏此塵垢汙豈無高節士幽深共情素俛首  
若有思清風颯庭戶

蘭花篇

明宋濂

陽和煦九畹晴芬溢青蘭潛姿發玄麝幽蕩凝紫檀綠  
蘿托芳鄰白谷挹高寒元聖未成調湘纍久長歎葉施  
雖外蔽貞潔終能完豈知生平心卒獲君子觀雖以青  
瑤芝承以白玉盤靈風曉方薦清露夜初溥此時不見  
知駢羅混荒菅春風挑杏花爛若霞綺攢徒媚夸毗子  
千金買歌歡棄之不彼即要使中心安願結美人佩把  
玩日忘餐

塘上聞蘭香

明 葉子奇

大谷空無人  
芝蘭花自香  
尋根竟不見  
芳草如人長

墨蘭

明 僧宗衍

楚雪春已晴  
沅湘水初滿  
去年故葉長  
今年新葉短  
波明碧沙淨  
日照紫苔暖  
不見澤中人  
江南暝雲斷

七言古

畫蘭

元 吳鎮

起趁風下東吳舟  
坏土移入漳泉秋  
初疑紫蓮攢翠鳳

恍如綠綬繫青蚪，猗猗九畹易消歇。奕奕百畝多淹留，  
軒窓相逢與一笑，結交三友成風流。

采蘭堂

明僧妙聲

去年采蘭蘭葉長，今年采蘭蘭葉短。秉芳欲寄路漫漫，  
國香零落風吹斷。蓮花峰下采蘭堂，永懷佳境不能忘。  
上人開窓面山坐，山水含暉吟謝郎。三生誤落夫差國，  
翠結瓊瑤香不息。目斷王孫猶未歸，江南春艸連天碧。

五言律

芳蘭

唐太宗

春暉開禁苑，淑景媚蘭場。  
映庭含淺色，凝露泣浮光。  
日麗參差影，風傳輕重香。  
會須君子折，佩裏作芬芳。

詠蘭

唐李嶠

虛室重招尋，忘言契斷金。  
英浮漢家酒，雪灑楚王琴。  
廣殿輕香發，高臺遠吹吟。  
河汾應擢秀，誰肯訪山陰。

幽蘭

唐崔塗

幽植衆寧知，芬芳止暗持。  
自無君子佩，未是國香衰。  
白

露沾常早春風到每遲不知當路艸芬馥欲何為

蘭

唐僧無可

蘭色結春光氤氳掩衆芳過門階露葉尋澤逕連香晚  
靜風吹亂亭秋雨引長靈均曾采擷紉佩掛荷裳

去歲蒙學古分惠蘭花清賞既歇復以根叢歸  
之故畹而學古預有今年之約近聞頗已著  
花輒賦小詩以尋前約幸一笑

宋朱子

秋蘭遞初馥芳意滿冲襟想子空齋裏淒涼楚客心夕  
風生遠思晨露灑中林頗意孤根在幽期得重尋

蘭

明馮琦

韋曲名園好習池勝事繁午風披蕙帶秋色上苔痕密  
樹雲成幄踈籬水繞門不煩除客徑吾欲藉蘭蓀

七言律

蘭

宋楊萬里

雪徑偷開淺碧花冰根亂吐小紅芽生無桃李春風面

名可山林處士家政坐國香到朝市不容霜節老雲霞  
江離蕙圃非吾耦付與騷人定等差

蘭

宋 劉克莊

深林不語抱幽貞賴有微風遞遠馨開處何妨依薜砌  
折米未肯戀金瓶孤高可挹供詩卷素淡堪移入卧屏  
莫笑門無佳子弟數枝濯濯映茅庭

掛蘭

元 謝宗可

江浦煙叢困草萊靈根從此謝栽培移將楚畹十年恨

付與東風一縷開  
湘女久無塵土夢  
靈均元是棟梁材  
午窓試讀離騷賦  
却怪幽香天上來

蘭

明 文徵明

靈根珍重自甌東  
紺碧垂香玉兩叢  
和露紉為湘水佩  
凌風如到蕊珠宮  
誰言別有幽貞在  
我已相忘臭味中  
老去相如才思減  
臨窓欲賦不能工

題趙松雪墨蘭

明 僧宗衍

湘江春日靜輝輝  
蘭雪初消翡翠飛  
拂石似鳴蒼玉佩

御風還著六銖衣  
夜寒燕姑空多夢  
歲晚王孫尚不歸  
千載畫圖勞點綴  
所思何處寄芳菲

五言絕句

蘭

唐  
唐彦謙

謝庭漫芳艸  
楚畹多綠莎  
于焉忽相見  
歲晏將如何

蘭

宋  
司馬光

藝植日繁滋  
芬芳時入座  
青葱春蕊擢  
皎潔秋英墮

蘭澗

宋  
朱子

光風浮碧澗，蘭杜日猗猗。  
竟歲無人采，含薰祇自知。

蘭

宋 楊萬里

健碧纘纘葉，斑紅淺淺芳。  
幽香空自秘，風肯秘幽香。

題信上人春蘭

元 揭傒斯

深谷暖雲飛，重巖花發時。  
非因采樵者，那得外人知。

題畫蘭

元 陳 旅

九畹光風轉，重巖墜露香。  
紫宮祠太乙，瑤席薦瓊芳。

蘭

元 鄭允端

並石疎花瘦臨風細葉長靈均清夢遠遺佩滿沅湘

寫蘭

明景翩翩

道是深林種選憐出谷香不因風力緊何以度瀟湘

七言絕句

蘭

宋朱子

漫種秋蘭四五莖疎簾底事太闕情可能不作涼風計  
護得幽香到晚清

寒食相將諸子遊程園

宋楊萬里

鹿蔥舊種竹新栽  
幽徑深行忘却回  
忽有野香尋不得  
蘭於石背一花開

題畫蘭

明 文徵明

手培蘭蕙兩三栽  
日煖風微次第開  
坐久不知香在室  
推窓時有蝶飛來

蘭

明 余有丁

何處幽香撲酒樽  
洲中杜若畹中孫  
紉來為佩裁為服  
不許蕢施掛華門

紫蘭

明景翩翩

碧玉參差簇紫英  
當年剩有國香名  
風前漫結幽人佩  
澧浦春深寄未成

御定佩文齋詠物詩選卷三百五十三

欽定四庫全書

御定佩文齋詠物詩選卷三百五十四

蕙花類

五言古

蕙花初開

宋 楊萬里

幽人非愛山出山將何之  
山居種蘭蕙歲寒久當知  
初藝止百畝餘地惜奚為  
先生無廣居千巖一茅茨  
四面  
祇藝蕙中間纔置錐  
銳綠分宿叢修紫擢  
幼枝孤幹八

九花一花破初粧西風淡無味微度成香吹燈夢得幽  
馥月寫傳靜姿我欲掇芳英和露充晨炊眷然惻不忍  
環玩息忘飢豈無衆花草不願秋風遲種時亂不擇歲  
晚悔可追

五言律

題次公蕙

宋蘇軾

蕙本蘭之族依然臭味同曾為水仙佩相識楚詞中幻  
色雖非實貞香亦竟空云何起微馥鼻觀已先通

五言絕句

蕙

宋 朱子

今花得古名旖旎香更好適意欲忘言塵編詎能考

題信上人秋蕙

元 揭傒斯

幽叢不盈尺空谷為誰芳一逕寒雲色滿林秋露香

七言絕句

和令狐侍御賞蕙草

唐 杜牧

尋常詩思巧如春又喜幽亭蕙草新本是馨香比君子

遶欄今更為何人

蕙草

宋劉克莊

蕭艾榮枯各有時深藏芳潔欲奚為  
世間臭孔無憑託且伴幽窓讀楚詞

東園

宋僧道潛

雲峰缺處支筇立谿溜聲中弄扇行  
習習南風吹百艸幽香知有蕙蘭生

御定佩文齋詠物詩選卷三百五十四

欽定四庫全書

御定佩文齋詠物詩選卷三百五十五

芝類

樂府

靈芝歌

漢班固

因露寢兮產靈芝象三德兮瑞應圖延壽命兮光此都  
配上帝兮象太微參日月兮揚光輝

五言古

芝草

梁庾肩吾

踟躕玩芝艸淹留攀桂叢  
桂叢方偃蹇芝葉正玲瓏  
如龍復如馬成闕復成宮  
黃金九華發紫蓋六英通  
隱士蒼山北神仙海穴東  
隨丹聊變水獨搖不須風

菌耳徧沃野

元吾丘衍

菌耳徧沃野瓊芝亦芬芳  
羣陰掩其茨誰復知爾良  
我願得此艸移根植崇岡  
閒攀紫金蕤浥露晞朝陽  
服食換綠髓輕舉過紫皇  
招携三辰游與之同輝光

七言古

石芝

宋蘇軾

空堂明月清且新，幽人睡息來初勻。  
了然非夢亦非覺，有人夜呼祁孔賓。  
披衣相從到何許，朱欄碧井開瓊戶。  
忽驚石上堆龍蛇，玉芝紫筍生無數。  
鏘然敲折青珊瑚，味如蜜藕和雞蘇。  
主人相顧一撫掌，滿堂坐客皆盧胡。  
亦知洞府嘲輕脫，終勝嵇康羨王烈。  
神山一合五百年，風吹石髓堅如鐵。

五言律

宣政殿芝艸

唐李義府

明王敦孝感寶殿秀靈芝色帶朝陽淨光涵雨露滋且  
標宣德重更引國恩施聖祚今無限微臣樂未移

五言絕句

題畫卷

元馬臻

翠疊洪濛色雲凝淡沲春高寒不可到應有采芝人

七言絕句

送道友遊山

唐施肩吾

欲駐如今未老形，萬重山上九芝青。  
君今若問采芝路，踏水踏雲穿杳冥。

寄題朱元晦武夷精舍

宋陸游

先生結屋綠巖邊，讀易懸知屢絕編。  
不用采芝驚世俗，恐人謗道是神仙。

次王參政延福宮韻

元馬祖常

唐家漲水望雲亭，三月十花隔障屏。  
不似仙人華綠洞。

雙笙吹鳳五芝庭

中秋前偶賦

元虞集

采芝不覺過前山  
偶答樵歌暮却還  
人影自行殘  
照外雨雲先入翠微間

惟寅徵君踏雨過林館  
為畱終日因誦近賦絕句  
三首輒走筆奉和

明周砥

野花踈竹媚幽姿  
翡翠簾前雨散絲  
最愛陳琳詩句好  
玉盤春露捧金芝

雨後

明彭年

洞底泉聲谷口聞  
望中峰色杳難分  
欲尋雨後金芝艸  
更踏前峰半濕雲

御定佩文齋詠物詩選卷三百五十五

欽定四庫全書

御定佩文齋詠物詩選卷三百五十六

萱花類

五言古

塘上行

宋謝惠連

芳萱秀陵阿，菲質不足營。  
幸有忘憂用，移根託君庭。  
垂穎臨清池，擢彩仰華甍。  
霑雲雨潤歲，蕤吐芳馨。  
願君眷輕葉，留景惠餘明。

詠萱草

北齊 陽休之

開跂幽澗底散彩曲堂垂  
優柔清露濕微穆惠風吹  
朝含麗景夜夜對華池

詠階前萱草

隋魏 澹

綠艸正含芳  
霏靡映前堂  
帶心花欲發  
依籠葉已長  
雲度時無影  
風來乍有香  
橫得忘憂號  
余憂遂不忘

五言律

萱

唐李 嶠

屐步尋芳日忘憂自結叢黃英開養性綠葉正依籠色  
湛仙人露香傳少女風還依北堂下曹植動文雄

萱草

唐  
李咸用

芳艸比君子詩人情有由祇應憐雅態未必解忘憂積  
雨莎庭小微風蘚砌幽莫言開太晚猶勝菊花秋

萱

金周  
昂

萬里黃萱好風煙接路傍迹踈雖異域心密竟中央染  
練成初色移瓶得細香客愁無路遣始為看花忘

五言絕句

萱

宋 祁

修莖無附葉繁夢攢蓮首每欲問詩人定得忘憂否

萱

宋 石延年

移萱樹之背丹霞間縹色我有憂民心對君忘不得

萱草

宋 朱子

春條擁深翠夏花明夕陰北堂罕悴物獨爾淡冲襟

有感

明 馬閒卿

春風零落後秋圃恨開遲總是宜男草傍人也未知

七言絕句

宮詞

明  
黃省曾

清萱到處碧鬢鬢興慶宮前色倍含借問皇家何種此  
太平天子要宜男



御定佩文齋詠物詩選卷三百五十六